



Broj: 10-05-21135/16
Sarajevo, 31.08.2016 godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnica Neira Avdibegović, na 17. Radnoj sjednici Skupštine Kantona Sarajevo, održanoj dana 28.06.2016 godine, u okviru tačke Dnevnog reda „Zastupnička pitanja inicijative i odgovori“, a u skladu sa Poslovnikom Skupštine Kantona Sarajevo, postavila je zastupničko pitanje „vezano za problem koji je evidentan i aktuelan upravo u ovom periodu, po završetku školske godine. Radi se o situaciji sa kojom se susreću učenici sa stečenim obrazovanjem zdravstvenog usmjerenja, a to je pitanje kako i gdje obaviti pripravnički staž“ i isto dostavila u pisanoj formi.

U vezi sa postavljenim zastupničkim pitanjem dostavljamo slijedeći:

O D G O V O R

Zakonom o zdravstvenoj zaštiti („Službene novine Federacije BiH“, br: 46/10 i 75/13) propisana je obaveza obavljanja pripravničkog staža za zdravstvene radnike sa završenom srednjom školom zdravstvenog usmjerenja koji su dužni nakon završenog obrazovanja obaviti pripravnički staž u trajanju od 6 mjeseci, a u skladu sa članom 142. stav 1. pomenutog zakona.

U skladu sa članom 143. Zakona o zdravstvenoj zaštiti utvrđeno je da su zdravstvene ustanove obavezne primati zdravstvene radnike na pripravnički staž prema kriterijima koje odredi federalni ministar zdravstva.

Pripravnički staž se provodi u skladu sa Pravilnikom o pripravničkom stažu i stručnom ispitu zdravstvenih radnika („Službene novine Federacije BiH“, br: 6/11,10/11,41/11,81/12,58/15).

Odlukom o visini doprinosa za penzijsko i invalidsko osiguranje za lica osigurana u određenim okolnostima („Službene novine Federacije BiH“, broj 26/14), u članu 1. tačka 3. utvrđeno je da se ovaj doprinos u skladu sa Zakonom o penzijsko invalidskom osiguranju, plaća u mjesечnim iznosima za vrijeme obavljanja poslova bez zasnivanja radnog odnosa (volonterski rad) i obavljanja pripravničkog staža u iznosu od 30,00 KM, po osnovu osiguranja za slučaj povrede na radu i profesionalnog oboljenja. Obveznici obračuna i uplate doprinosa u navedenom iznosu su poslodavci kod kojih ova lica rade.



U skladu sa Programom obavljanja pripravničkog staža, pripravnički staž se obavlja u više ustanova, u različitom vremenskom periodu, te je i različito opterećenje poslodavaca koji primaju pripravnike na staž.

U Kantonu Sarajevu je potrebno izdvojiti velika finansijska sredstva za plaćanje obaveza po osnovu Zakona o penzijsko invalidskom osiguranju, a što javne zdravstvene ustanove nisu u mogućnosti izdvojiti iz svojih sredstava, obzirom da se iste nalaze u teškoj finansijskoj situaciji.

Ministarstvo zdravstva je pokušalo obezbjediti sredstva po osnovu uplate doprinosa za sve pripravnike, ali ista nije bilo moguće obezbjediti ni na teret obavezognog zdravstvenog osiguranja ni Budžeta Kantona Sarajevo, obzirom na visinu potrebnih sredstava.

Naime, Finansijskim planom Zavoda zdravstvenog osiguranja Kantona Sarajevo za 2016 godinu i finansijskim planom Budžeta Kantona Sarajevo nema predviđene pozicije sa koje bi ova sredstva mogla biti izdojena.

U proteklom periodu javne zdravstvene ustanove su na različit način pristupale rješavanju ovog pitanja, tako da je u JU Dom zdravlja Kantona Sarajevo pripravnik lično uplaćivao iznos od 30,00 KM mjesечно, po osnovu navedene obaveze.

Obzirom na različit pristup rješavanja ovog pitanja Ministarstvo zdravstva je organiziralo sastanak sa direktorima i rukovodiocima finansijskih službi Kliničkog centra Univerziteta u Sarajevu, Opće bolnice „Prim dr Abdulah Nakas“, JU Dom zdravlja Kantona Sarajevo i Zavoda zdravstvenog osiguranja Kantona Sarajevo.

Cilj sastanka bio je da se zauzme zajednički stav i na jedinstven način nađe rješenje za ovo pitanje, te uvažavajući sve naprijed navedeno i zaključke sa sastanka odlučeno je da se:

- Omogući blagovremeno obavljanje pripravničkog staža svim zdravstvenim radnicima sa završenom školom srednjeg medicinskog obrazovanja u javnim zdravstvenim ustanovama
- Ministarstvo zdravstva će upućivati kandidate na obavljanje pripravničkog staža u zdravstvene ustanove, a na osnovu prethodno podnesenog zahtjeva ovom ministarstvu, a u skladu sa zvanjem zdravstvenog radnika koji treba da obavi pripravnički staž.
- Pripravnici će lično plaćati mjesечно iznos od 30,00 KM po osnovu doprinosa, osim u slučaju ako pripravnik spada u kategoriju socijalno ugroženih porodica.

O načinu i postupku obavljanja pripravničkog staža, Ministarstvo zdravstva će javno informisati sve zainteresovane kandidate za obavljanje pripravničkog staža.

